



詩紀卷之一百一十

北朝 齊一

邢邵

字子才河間鄭人十歲能屬文日誦萬餘言文章典麗既贍且速釋巾為魏武挽郎累除國子

祭酒齊宣武輔政徵為賓客除黃門侍郎遷太常卿授特進邵率情簡素博覽墳籍公私諮稟為世

指南

三日華林園公宴

迴鑾自樂野弭蓋屬瑤池五丞接光景七友樹風儀芳
春時歆遽覽物惜將移新萍已冒沼餘花尚滿枝草滋
徑蕪沒林長山蔽虧芳筵羅玉俎激水漾金卮歌聲斷

以一作續舞袖合還離

冬夜酬魏少傅直史館一作酬魏收
冬夜直史館

年病從橫至動息不自安兼豆未能飽重裘詎解寒况
乃冬之夜霜氣有餘酸風音響北牖月影度南端燈光
明且滅華燭新復殘衰顏依候改壯志與時闌體羸不
盡帶髮落強扶冠夜景將歆近夕息故無寬忽有清風
贈辭義婉如蘭先言歎三友次言慙一官麗藻高鄭衛
專學美齊韓審論一作
喻雖有屬筆削少能干一作
刊高足
自無限積風良可搏空想青門易寧見赤松難寄語東

山道高駕且盤桓

冬日傷志篇

昔時惰遊士任性少矜裁朝驅一作
馳瑪瑙勒夕銜熊耳

杯折花步一作
贈淇水撫瑟望叢臺繁華夙昔改衰病一

時來重以三冬月愁雲聚復開天高日色淺林勁鳥聲

哀終風激簷宇餘雪滿條枚遨遊昔宛洛踟躕今草萊

時事方去矣撫已獨傷懷一作
懷哉

七夕詩彙作宗
懍者非

盈盈河水側朝朝長嘆息不恡漸衰苦波流詎可測秋

期忽云至停梭理容色束衿未解帶迴鑿已沾軼不見
眼中人誰堪機上織願逐青鳥去暫斲因希羽翼

齊韋道遜晚春宴 觀題似韋道遜所作文苑英華作邢邵姑列于此

日斜賓館晚風輕麥候初簷喧巢幕燕池躍戲蓮魚石
聲隨流響桐影傍巖踈誰能千里外獨寄八行書

應詔甘露詩

膏露且漸洽凝液汨旌旗草木盡霑被玉散復珠霏誰
謂穹昊遠道合若應機

賀老人星詩

瑞動星光照化穆月輪重庶徵符祉錄將以贊時雍

門今下思公子 樂府

綺羅日減帶桃李無顏色思君君未歸歸來豈相識

魏收 字伯起鉅鹿下曲陽人仕魏典起居注兼中書舍人與温子昇邢子才齊名世號三才天保初

除中書令兼著作郎後除光祿大夫尚書右僕射特進謚文貞收有才無行在京洛輕薄尤甚人號

為驚蛺蝶

美女篇二首

楚襄遊夢去陳思朝洛歸參差結旌旆掩靄頓駮駮
化看臺曲駭散屬川沂仍令賦神女俄聞要處妃照梁

何足豔昇霞反奮飛可言不可見言是復言非

我帝更朝衣擅寵無論賤入愛不嫌微智

瓊非俗物羅敷本自稀居然陋西子定可比南威新吳
何爲誤舊鄭果難依甘言誠易污得失定因機無憎藥
英妬心賞易侵違

永世樂

綺牕斜影入上客酒湏添翠羽方開美鈿華汗不露關
門今可下落珥不相嫌

權歌行

雪溜添春浦花水足新流桃發武陵岸柳拂武昌樓

挾琴歌

春風宛轉入曲房兼送小苑百花香白馬金鞍去未返
紅妝玉筍下成行

後園宴樂

東馬輕燕外獵雉陋秦中朝車轉夜轂仁旗指旦風式
宴臨平圃展衛寫屠穹積崖疑造化導水逼神功樹靜
歸烟合簾踈反照通一逢堯舜日未假北山叢

喜雨

霞暉染刻棟礎潤上雕楹神山千葉照仙草百花榮瀉
溜高齋響添池曲岸平滴下如珠落波迴類璧成氣調
登萬里年和欣百靈定知丹旣出何須銅雀鳴

看柳上鵲

背歲心能識登春巢自成立枯隨雨霽依枝須月明疑
是彫籠出當由抵玉驚間關拂條軟迴復振毛輕何獨
離婁意傍人但未聽

晦日汎舟應詔

裊裊春枝弱關關新鳥呼棹唱忽逶迤菱歌時顧慕睿

賞芳月色宴言忘日暮游豫慰人心照臨康國步

月下秋宴

此夕甘言宴月照露方塗使星疑向蜀劔氣不關吳良
交契金水上客慰萱蘇何必應劉輩還來遊鄴都

五日

麥涼殊未畢蜩鳴早欲聞喧林尚黃鳥浮天已白雲辟
兵書鬼字神印題靈文因想蒼梧郡茲日祀東君

庭栢

古松圖偃蓋新栢寫鑪峯凌寒翠不奪迎暄綠更濃茹

葉輕沉體咀實化衰容將使中臺麝遠山能見從

蜡節

凝寒迫清祀有酒宴嘉平宿心何所道藉此慰中情

祖珽

字孝徵瑩之子神清機警詞藻道逸少馳令譽為當世所推起家秘書郎後主時佞于陸媪拜尚書左僕射封燕國公專主機衡後以罪出為北徐州刺史

從北征

翠旗臨塞道靈鼓出桑乾祁山斂雰雰瀚海息波瀾戍亭秋雨急關門朔氣寒方繫單于頸歌舞入長安

望海

登高臨巨壑不知千萬里雲鳥相接連風潮無極已時看遠鴻度乍見驚鷗起無待一作不假送將歸自然傷客子

挽歌

昔日一作時驅駟馬謁帝長楊宮旌懸白雲外騎獵紅塵

中今來向漳浦素盖轉悲風榮華與歌笑萬事盡成空

裴讓之

字士禮河東聞喜人少好學有文情魏天平中舉秀才遷主客郎歷中書舍人散騎常侍及齊受禪封宜都縣男尋除清和太守後被罪賜死

有所思

夢中雖暫見及覺始知非展轉不能寐徒倚獨披衣悽

香茅

鷓鴣芳不歇霜繁綠更滋擢本同三脊流芳有四時粗
根縮酒易結解舞蠶遲終當入楚貢豈羨詠陳詩

和迴文詩

和湘東
王後園

危臺出岫迥曲澗上橋斜池蓮隱弱芰徑篠落藤花

蕭放

字希逸祗之子襲父爵為清河郡公武平中待
詔文林館性好文詠頗善丹青見知齊後主累

遷太子中庶
子散騎常侍

冬夜詠妓

佳麗盡時年合暝不成眠銀龍街燭燼金鳳起爐烟吹

篋先弄曲調箏更撮絃歌還團扇後舞出妓行前絕代
終難及誰復數神仙

詠竹

懷風枝轉弱防露影逾濃既來丹穴鳳還作葛陂龍

劉逖

字子長彭城人齊文襄以為永安公叅軍武
成時遷散騎常侍未幾與崔季舒等同戮

對雨

重輪宵犯畢行雨旦浮空細落疑含霧斜飛覺帶風濕
槐仍足綠沾桃更上紅無由似玄豹縱意坐山中

秋朝野望

駐車憑險岸飛蓋歷平湖菊寒花稍發蓮秋葉漸枯向
浦低行鴈排空轉噪鳥若將君共賞何處減城隅

浴温湯泉

聲偶作劉
邈詩非也

驪岫猶懷土新豐尚有家神井堪消疾温泉足蕩邪紫
苔生石岸黃沫擁金沙振衣殊未已翻能停使車

清歌發

扇中通曼臉曲裏奏陽春久應迷座客何啻起梁塵

馬元熙

字長明河間人敬德之子少傳父業兼長
藻以通直待詔文林館武平中授皇太子

經在內甚得名譽隋開
皇中終於秦王文學

日晚彈琴

上客敞前扉鳴琴對晚暉掩抑歌張女凄清奏楚妃稍

視紅塵落漸覺白雲飛新聲獨見賞莫恨知音稀

盧詢祖

范陽涿人有術學文辭華美詢祖與宗人思
道俱為北州人俊魏收揚譽思道而以詢祖

為不及邢子廣曰詢祖有規檢禰衡思道無冰
稜文舉後頗折節歷太子舍人司徒記室卒

趙郡王配鄭氏挽詞

北史趙郡王睿齊神武從
子也娶鄭述祖女為妃

君王盛海內伉儷盡寰中女儀掩鄭國嬪客映趙宮春
豔桃花水秋度桂枝風遂使叢臺夜明月滿床空

盧詢

名見顏氏家訓云范陽盧詢
疑即盧詢祖也樂府作陳人

中婦織流黃

別人心已怨愁空日復斜
然香望韓壽磨鏡待秦嘉
殘絲愁績爛餘織恐繡賒
支機一片石緩轉獨輪車
下簾還憶月挑燈更惜花
似天河上景春時織女家

高昂

字敖曹北海蓆人膽力過人姿彩殊異少不師訓專事馳騁齊神武起昂傾意附之因成霸業

除侍中司徒兼西南道都督而敖曹酷好為詩雅有情致時人稱焉○見太平廣記

征行詩

壠種千口牛泉連百壺酒朝朝圍山獵
夜夜迎新婦

從軍與相州刺史孫騰行路難

春甲長驅不可息六日六夜三度食初時

言作虎牢

更被處置河橋北迴首絕望便蕭條悲來雪涕還自抑

贈弟季式

季式為濟州刺史敖曹發驛以勸酒乃贈

憐君停歆死天上人間無可比走馬海邊射遊鹿偏坐

石上彈鳴雉昔時方伯願三公今日司徒羨刺史

鄭公超

後主時為奉朝請待詔文林館與祖珽等同撰御覽

送庾羽騎抱

舊宅青山遠歸路白雲深
逢暮難為別搖落更傷心
空

城落日影迥地浮雲陰送君自有淚不假聽猿吟

揚訓後主時為通直散騎侍郎待詔文林館同脩御覽

群公高宴

中郎敷奏罷司隸坐朝歸開筵引貴客饌玉對春暉塵
起金吾騎香逐令君衣綠酒犀為椀鳴琴寶作微寸陰
良可惜千金本易揮

袁奭

字元明陳郡人梁司空昂之孫蕭莊時以侍中奉貢至齊及莊敗除琅瑯王儼大將軍諮議入

文林館遷太中大夫

從駕遊山

天遊響仙蹕春望動神衷澗水含初溜山花發早叢玉
輿明淑景珠旗轉瑞風平原與上路一作洛佳氣遠葱蔥

荀仲舉

字士高潁川人世江南仕梁為南沙令後至北齊入文林館以年老家貧出為義寧太守

○樂府玉臺俱作陳人

銅雀臺

高臺秋色晚直望已悽然况復歸風便松聲入斷絃淚
逐梁塵下心隨團扇捐誰堪三五夜空對月光圓

蕭愨

字仁祖蘭陵人梁宗室上黃侯曄之子天保中入齊武定中為太子洗馬後主時為齊州錄事

參軍待詔文林館後入隋

臨高臺

崇臺高百尺迥出望仙宮畫拱浮朝一作雲氣飛梁照晚

虹小衫飄霧縠艷粉拂輕紅笙吹汶陽篠琴奏嶧山桐

舞逐飛龍引花隨少女風臨春今若此極宴豈無窮

上之回

拾遺題云巡省

發軔城西時回輿事北遊山寒石道凍葉下故宮秋朔

路傳清警邊風卷畫旒歲餘巡省畢擁仗一作按節返皇州

飛龍引

河曲嚙圖出江上負舟歸欲因作雨去還逐景雲飛引

商吹細管下微泛長徽持此淒清引春夜舞羅衣

奉和濟黃河應教

樂府題云濟黃河

大蕃連帝室駟駕奉皇猷未明驅羽騎凌晨方畫舟津

城度維錦岸柳夾緹油鐘一作鏡聲颺別島旗影照蒼流

早光生劍服朝風起節樓滔滔細波動裔裔輕舷浮迴

撓避近磧放舳下前洲全疑上天漢不異謁蓬丘望知

雲氣合聽識水聲秋從君何等樂喜從神仙遊

和崔侍中從駕經山寺

鈎陳夜警徼河漢曉參一作縱橫游騎騰文馬前驅轉翠

旌野禽喧曙色山樹動秋聲雲表金輪見巖端畫拱明
塔疑從地涌蓋似積香成泉高下溜急松古上枝平儀
台多壯思麗藻蔚緣情自嗤非照蕪一作乘何以繼連城

奉和悲秋應令

英華作
王胄

秋天擬文學秋水擅莊蒙草濕蒹葭露波卷洞庭風便
坐翻桑葉長坂歇蘭蕪蒼喧猶有鷺陂靜未來鴻蟬噪
聞疑斷池清映似空劉安悲落木曹植歎征蓬重明豈
凝滯無累在淵冲隨時四序合應物五情同發言形慙
隱睿作挺神功下材均朽木何以慕彫蟲

屏風

秦皇臨碣石漢帝幸明庭非關重遊豫直是愛長齡讀
記知州所觀圖見岳形曉識仙人氣夜辨少微星服銀
有秘術蒸丹傳舊經風搖百影樹花落萬春亭飛流近
更白叢竹遠彌青逍遙保清暢因持悅性情

奉和元日

帝宮通夕燎天門拂曙開瑞雲生寶鼎榮光上露臺華
山不凋葉宜城萬壽盃遙見飛鳥下懸知葉縣聲偶來

奉和初秋西園應教

池亭三伏後林館九秋前清泠間泉石散漫雜風煙
開千葉影榴艷百枝然約嶺停飛旆凌波動畫船

奉和冬至應教

天宮初動磬緹室已飛灰暮風吹竹起陽雲覆石來
冰開荔色除雪出蘭栽慙無宋玉辨濫吹楚王臺

奉和望山應教

仙遊本多趣復此上秋初巖低石倒險嶺高松更踈
峯形疑鳥翅塞路似狼居矚望情無已詞殫意有餘

奉和詠龍門桃花

舊聞開露井今見植龍門樹少知非塞花高異少源
論時應未發故欲影歸軒祗言經摘罷猶勝逐風翻

春庭晚望

春庭聊縱望樓臺自相隱窓梅落晚花池竹開初筍
泉鳴知水急雲來覺山近不愁花不飛到畏花飛盡

秋思

顏氏家訓曰蘭陵蕭愨工於篇什嘗有秋思詩云芙蓉露下落楊柳月中踈時人未之賞也吾愛其蕭散宛然在目賴川荀仲舉瑯琊諸葛漢亦以為爾而盧思道之徒雅所不愜

清波收潦日華林鳴籟初芙蓉露下落楊柳月中踈燕

幃綺被趙帶流黃裙相思阻音息玉臺作信結夢感離居

聽琴

洞門涼氣滿閑館夕陰生絃隨流水急調雜秋風清掩抑朝飛弄淒斷夜啼聲至人齊物我持此悅高情

和司徒鎧曹陽辟疆秋晚辟疆休之子

葉疎知樹落香盡覺荷衰山藪良多思田園聊復歸

春日曲水雜言○初學作春賦

落花無限數飛鳥排花度禁苑至饒風吹花春滿路巖前片石迥如樓水裏連沙聚作洲二月鶯聲纔欲斷三

月春風已復流分流繞小渡塹水還相注山頭望水雲水底看山樹舞餘香尚存歌盡聲猶住麥壟一驚暈菱

潭兩飛鷺飛鷺復驚暈傾曦帶掩扉芳飈翼還幘藻露

挹行衣

蕭轂樂府英華並作蕭轂苑詩類選作蕭慙

野田黃雀行

弱軀媿一作慙彩飾輕毛非錦文不知鴻鵠志非是鳳凰

群作風隨濁一作濯雨入曲應玄雲空城舊侶絕滄海故

交分寧死明珠彈且避鷹將軍

陽休之

字子烈北平無終人固之子初任魏累官給事黃門侍郎入齊遷吏部尚書左僕射周武

春日

遲遲暮春日靄靄春光上柔露洗金盤輕絲綴珠網漸

看階萑蔓稍覺池蓮長蝴蝶映花飛楚雀綠條響

詠萱草

開跗幽澗底散彩曲堂垂優柔清露濕微穆惠風吹朝

朝含麗景夜夜對華池

正月七日登高侍宴

廣殿麗年輝上林起春色風生拂彫輦雲迴浮綺翼

秋詩

日照前窓竹露濕後園薇夜蛩扶砌響輕蛾遶燭飛

顏之推

字介珩琅琊臨沂人初為梁湘東王常侍元帝即位以為散騎侍郎後為周軍所破奔齊累官黃門侍郎平原太守齊亡入周為御史上士隋開皇中太子召為文學以疾終

神仙

紅顏恃容色青春矜盛年自言曉書劍不得學神仙風

雲落時後歲月度人前鏡中不相識捫心徒自憐願得

金樓要思逢玉鈴篇九龍遊弱水八鳳出飛煙朝遊采

瓊實夕宴酌膏泉崢嶸下無地列缺上陵天舉世聊一
息中州安足旋

古意二首

十五好詩書二十彈冠仕楚王賜顏色出入章華裏作
賦凌屈原讀書誇左史數從明月讌或侍朝雲祀登山
摘紫芝泛江採綠芷歌舞未終曲風塵暗天起吳師破
九龍秦兵割千里狐兔穴宗廟霜露沾朝市壁入邯鄲
宮劍去襄城水未獲殉陵墓獨生良足耻憫憫思舊都
惻惻懷君子白髮闕明鏡憂傷沒余齒

寶珠出東國美玉產南荆隋侯曜我色卞氏飛吾聲已
加明稱物復飾夜光名驪龍旦夕駭白虹朝暮生華彩
燭兼乘價值詎連城常悲黃雀起每畏靈蛟迎千刃安
可捨一毀難復營昔為時所重今為時所輕願與濁泥
會思將垢石并歸真川岳下抱潤潛其榮

從周入齊夜度砥柱

梁詞人麗句作惠慕道
士詩題云犯虜將逃作

北史本傳曰荆州為周軍所破大將軍李穆

送之推往弘農令掌其兄陽平公遠書翰遇

河水暴長具船將妻子奔齊
經砥柱之險時人稱其勇決

俠客重艱辛夜出小平津馬色迷關吏鷄鳴起戍人露

鮮華劍彩月照寶刀新問我將何去北海就孫賓

和陽納言聽鳴蟬篇隋盧思道同賦

聽秋蟬秋蟬非一處細柳高飛夕長楊明月曙歷亂起
秋聲參差攪人慮單吟如轉簫群噪學調笙飄流曼
響多含斷絕聲垂陰自有樂飲露獨為清短綏何足貴
薄羽不差輕塘娘翳下偏難見翡翠竿頭絕易驚容止
由來桂林苑無事淹留南斗城城中帝皇里金張及許
史權勢熱如湯意氣誼城市劍影奔星落馬色浮雲起
鼎俎陳龍鳳金石諧宮徵關中滿季心關西饒孔子詎

唐公立國臣誰愛韓王游說上顏宿昔同春花

素髮俄傾變秋草中腸自有極那堪教作轉輪車此篇見初

學記紅顏以下脫誤俟再考

趙儒宗

詠龜詩天共正平

有靈堪託夢無心解自謀不能著下伏強從蓮上遊負
圖非所冀支牀空見留儻蒙一曳尾當為屢回頭

陸法和不知何許人隱於江陵百里洲妙解神術預見萌兆再為元帝破賊帝以法和為都督郢

州刺史封江乘縣公元帝敗入齊文宣以為大都督荊州刺史湘郡公無病而終

識詩二首

北史本傳曰法和書其所居屋壁而塗之及剝落有文二首

十年天子為尚可百日天子急如火周年天子迭代坐

隋書五行志曰時文宣帝享國十年而崩廢帝嗣立百餘日用替厥位孝昭即位一年而崩此其効也

一母生三天兩天共五年

婁太后生三天子自孝昭即位至武成傳位後主共五年

馮淑妃五月五日進之號曰續命慧黠工歌舞後主或之立為左皇后周師取平後主以淑妃奔洪洞成復奔青州為周武所獲以賜代王達達甚嬖之

感琵琶絃

淑妃侍代王達彈琵琶因絃斷作詩曰

雖蒙今日寵猶憶昔時憐歆知心斷絕應看膝上絃

盧士深妻崔氏

饋面辭

虞世南史畧曰北齊盧士深妻崔林義之女有才學春日以桃花饋兒面呪曰

取紅花取白雪與兒洗面作光悅取白雪取紅花與兒

洗面作妍華取花紅取雪白與兒洗面作光澤取雪白

取花紅與兒洗面作華容

詩紀卷之一百二十

詩紀卷之一百一十二

北朝齊

北海馮惟訥編

郊廟歌辭

陸卬等奉詔作

歷代吟譜曰陸

卬字雲駒累遷給事黃門侍郎吏部郎中齊之郊廟諸歌多卬所製

大禘圜丘及北郊歌辭十三首

隋書樂志曰齊武成時始定四郊宗廟三朝之樂大禘圜丘及北郊樂並同祠感帝用圜丘樂

○北郊樂歌八首辭同南郊隋書南北郊樂合載其文異者分註本句之下

來賦肆夏夕牲群臣入門奏

肇應靈序奄字黎民乃朝萬國爰徵百神祗展方望幽

顯咸臻禮崇聲協贄列珪陳翼差鱗次端拱隋書作笏垂紳

來趨動色式贊天人

高明樂迎神奏登歌辭同

惟神鑒矣北郊云惟祇監矣皇靈肅止圓璧展事北郊云方琮展事成

文即始北郊云即陰成埋士備八能樂合六變北郊云樂合八變風濤

伊雅光華襲薦宸衛騰景靈駕霏煙嚴壇生白綺席凝

玄

昭夏樂牲出入奏

剛柔設位惟皇配之言肅其禮念暢在茲飭牲舉獸載

歌且舞既設伊脂致精靈府物色惟典齋沐加恭宗族

咸暨罔不率從

昭夏樂薦毛血奏

展禮上月肅事應時繭栗為用交暢有期弓矢斯發龕

簋將事圓神致祀北郊云方祇致祀率由先志和以鑿刀臭以

血管至哉敬矣厥義孔高

皇夏樂進熟皇帝入門奏

帝敬昭宣皇皇誠肅致玉帛齊軌屏攝咸次三垓上列北郊

云重垓上列四陞旁升北郊云分龍陳萬騎鳳動千乘神儀

天藹睟容離曜金根停軫奉光先導

皇夏樂

皇帝升丘奏壇上登歌辭同

紫壇雲曖

北郊云層壇雲曖

紆幄霞褰

北郊云嚴幄霞褰

我其陟止載

致其虔百靈竦聽萬國咸仰人神咫尺玄應盼矍

高明樂

皇帝初獻奏

上下眷旁午從爵以質獻以恭咸斯暢樂唯雍孝敬闡

臨萬邦

高明樂

皇帝奠爵訖奏高明樂覆燾之舞

自天子之會昌神道丘陵肅事

北郊云方澤祗事

克光天保九

關洞開百靈環列八尊呈備五聲投節

武德樂

皇帝獻太祖配饗神座奏武德之樂昭烈之舞

配神登聖主極尊靈敬宣昭燭咸達宵寘禮弘化定樂
贊功成穰穰介福下被群生

皇夏樂

飲福酒奏

皇心緬且感吉蠲奉至誠赫哉光盛德乾坤照百靈報
福歸昌運承祐播休明風雲馳九域龍蛟躍四溟浮慕
呈光氣儷象燭華精護武方知恥韶夏僅同聲

高明樂

送神降丘南陛奏

獻享畢懸佾周神之駕將上游北郊云超斗極絕河流

北郊云超荒極憇昆丘懷萬國寧九州欣帝道心顧留市上下荷

皇休

昭夏樂紫壇既燎奏

玄黃覆載元首照臨合德致禮有契其心敬申事闕黎

誠共報玉帛載升北郊云牲王載陳棫撲斯燎寥廓幽曖播以

馨香皇靈惟監降福無疆

皇夏樂皇帝還便殿奏

天大親嚴匪敬伊孝永言肆饗宸明增耀陽丘既暢北郊

云陰澤云暢大典逾光乃安斯息欽若舊章天迴地旋鳴鑾

引警且萬且億皇曆惟永

五郊樂歌五首

隋書樂志曰齊五郊迎氣降神並奏高明樂又曰禮五方上帝並奏高明之樂為覆燾之舞

青帝高明樂

歲云獻谷風歸斗東指鴈北飛電鞭激雷車遽虹旌靡

青龍馭和氣洽具物滋翻降止應帝期

赤帝高明樂

婺女司旦仲呂宣朱精御節離景延根芴俊茂温風發

拓火風水應炎月執衡長物德孔昭赤旂電隋書曳會
今朝

黃帝高明樂

居中而五運乘衡畢四時含養滋群物協德固皇基
暉緩契王風持載符君德良辰動靈駕承祀昌邦國

白帝高明樂

風涼露降馳景颺寒精山川搖落平秩在西城
蓋藏成積烝民被嘉祉從享來儀鴻休溢千祀

黑帝高明樂

虹藏雉化告寒冰壯地坼年殫日次月紀方極九川萬
邦獻力叶光是紀歲窮微陽潛兆方融天子赫赫明聖
享神降福惟敬

祀五帝於明堂樂歌十一首

肆夏樂

先一日夕牲
群臣入門奏

國陽崇祀嚴恭

隋書
作載

有聞荒華胥暨樂我大君冕瑞有

列禽帛載叙群后師師威儀容與執禮辨物司樂考章
率由靡墜休有烈光

高明樂

太祝令迎神奏
高明樂覆燾舞

祖德光國圖昌祇上帝禮四方闢紫宮動華闕龍虎奮
風雲發飛朱雀從玄武攜日月帶雷雨耀宇內溢區中
眷帝道感皇風帝道康皇風扇榮盛列椒醕薦神且寧
會五精歸福祿幸問亭

武德樂

太祖配饗奏武德樂昭烈舞

我惟我祖自天之命道被歸仁時屯啓聖運鍾千祀授
手萬姓夷凶掩虐匡積翼正載經載營庶士咸寧九功
以洽七德兼盈丹書入告玄玉來呈露甘泉白雲郁河
清聲教咸往舟車畢會仁加有形化浹無外嚴親惟重

陟配惟大既祐斯歌率土攸賴

昭夏樂

牲出入奏

孝享不匱精潔臨年滌牢委溢形色博牲于以用之言
承歆祀肅肅威儀敢不敬止載飭載省惟牛惟羊明神
有察保茲萬方

百新樂

薦毛血奏

我將宗祀夤獻厥誠鞠躬如在側聽無聲薦色斯純呈
氣斯臭有滌有濯惟神其祐五方來格一人多祉明德
惟馨於穆不已

皇夏樂

皇帝入門奏皇帝外壇奏皇夏辭同

象乾上構儀坤下基集靈宗祖永言孝思室陳簋豆庭
羅懸佾夙夜畏威保茲貞吉舞貴其夜歌重其升降斯
百祿惟饗惟應

高明樂

皇帝初獻奏高明樂覆燾舞

度几筵闢牖戶禮上帝感皇祖酌惟絜滌以清薦心款
達神明

高明樂

皇帝裸獻奏高明樂覆燾舞

帝精來降應我明德禮殫義展流祉邦國既受多祉實
資孝敬祀謁其誠荷天休命

皇夏樂

飲福酒奏

恭祀洽盛禮宣英猷爛層景廣澤同深泉上靈鍾百福
群神歸萬年月軌咸梯岫日域盡浮川瑞鳥飛玄扈潛
鱗躍翠漣皇家膺寶曆兩地復參天

高明樂

太祝送神奏高明樂覆燾舞

青陽奏發朱明歌西皓唱玄冥大禮罄廣樂成神心懌
將遠征飾龍駕矯鳳旂指閭闔憇層城出溫谷邁炎庭
跨西汜過北溟忽萬億耀光精比電驚與雷行嗟皇道

懷萬靈固王業震天聲

皇夏樂

帝還便殿

文物備矣聲明有章登薦惟肅禮邈前王曾齊云終折旋告罄穆穆旒冕蘊誠畢敬屯衛按部鑾蹕迴途暫留紫殿將及清都

享廟樂辭十八首

肆夏樂

先一日夕牲群臣入門奏

霜淒雨暢烝哉帝心有敬其祀肅事惟歆昭昭車服濟濟衣簪鞠躬貢酌磬折奉琛差以五列和以八音式祇

王度如玉如金

高明登歌樂

迎神

日卜惟吉辰擇其良奕奕清廟黼黻周張大呂為角應鍾為羽路鼓陰竹德歌昭舞祀事孔明百神允穆神心乃顧保茲介福

昭夏樂

牲出入奏

大祀云事獻奠有儀既歌既展贊顧迎犧執從伊竦芻飾惟慄俟用於庭將升於室且握且駢以致其誠惠我貽頌降祉千齡

昭夏樂

薦毛血奏

緬彼遐慨悠然永思留田連七享纏綿四時神升魄沉靡
聞靡見陰陽載俟臭聲蕪薦祖考其鑒言萃王休降神
敷錫百福是由

皇夏樂

進熟皇帝入門

齊居嚴殿夙駕層闈車輅垂彩旒袞騰輝聳誠載仰翹
心有慕洞洞自形斤斤表步闕宮有邃神道依稀孝心
緬邈爰屬爰依

登歌樂

太祝裸地奏

太室宵宵神居宿設鬱鬯惟芬珪璋惟潔彝粢應時龍
蒲代用藉茅無咎福祿攸降端感會事儼思脩禮齊齊
勿勿俄俄濟濟

登歌樂

皇帝升殿殿上作

我祠我祖永惟厥先炎農肇聖靈祉蟬聯霸圖中造帝
業方宣道昌基構撫運承天奄家六合爰光八埏尊神
致禮孝思惟纏寒來暑及暢薦在年匪敬伊慕備物不
愆設簋設業靴鼓填填辟公在位有容伊虔登歌啓倫
下管應懸厥容無爽幽明肅然誠而厚地和達穹玄既

調風雨載協山川周庭有列湯孫永延教聲惟被邁後
光前

始基樂恢祚舞

皇帝初獻六世祖
司空公神室奏

克明克俊祖武惟昌業弘營土聲被海方有流厥德終

耀其光明神幽贊景祚攸長

始基樂恢祚舞

五世祖吏
部尚書室

顯允盛德隆我前構瑤源彌瀉瓊根愈秀誕惟有族丕

緒克茂大業崇新洪基增舊

始基樂恢祚舞

高祖秦州
刺史室

祖德丕顯明喆知幾豹變東國鵠起西歸禮申官次命

改朝衣敬思孝享多福無違

始基樂恢祚舞

曾祖太尉
武貞公室

兆靈有業潛德無聲韜光戢耀貫幽洞冥道弘舒卷施
博歲行緬追歲事夜遽不寧

始基樂恢祚舞

祖文皇
帝室

皇皇祖德穆穆其風語嘿自已明獻在躬荷天之錫聖
表克隆高山作矣寶祚其崇離光旦旦載煥載融感薦
惟永神保無窮

武德樂昭烈舞

高祖神武
皇帝室

天造草昧時難糾紛孰拯斯溺靡救其焚大人利見繡
武經文顧指維極吐吸風雲開天闢地峻岳夷海冥工
掩迹上德不宰神心有應龍化無待義征九服仁兵告
凱上平下成靡或不寧匪王伊帝偶極崇靈享親則孝
潔祀惟誠禮備樂序肅贊神明

文德樂宣政舞

文襄皇
帝室

聖武丕基獻文顯統眇哉神啓鬱矣天縱道則人弘德
云邁種昭冥咸叙崇深畢綜自中徂外經朝庇野政

淪風威還缺雅旁作穆穆格于上下維享維宗來鑒來

假

文正樂光大舞

顯祖文宣
皇帝室

玄曆已謝蒼靈告期圖璽有屬揖讓惟時龍升獸變
我帝基對揚穹昊寔啓雍熙欽若皇猷永懷王度欣賞
斯穆威刑允措軌物俱宣憲章咸布俗無邪指下歸正
路茫茫九域振以乾綱混通華裔配括天壤作禮視德
列樂傳響薦祀惟虔衣冠載仰

皇夏樂

飲福
酒奏

孝心翼翼率禮兢兢時洗時薦或降或升在堂在戶載
湛載凝多品斯奠備物攸膺蘭芬敬挹玉俎恭承受祭
之祐如彼岡陵

高明樂 送神奏

仰棟栴慕衣冠禮云罄祀將闡神之駕紛奕奕乘白雲
無不適窮昭域極幽塗歸帝社眷皇都

皇夏 皇帝詣便殿奏

禮行斯畢樂奏以終受嘏先退載暢其衷鑾軒循轍麾
旌復路光景徘徊絃歌顧慕靈之相矣有錫無疆國圖

日兢 隋書作鏡 家曆天長

燕射歌辭

元會大饗歌十首

隋書樂志曰北齊元會大饗協律不得升陛黃門舉麾於殿上今列其歌辭云

肆夏 賓入門四廂奏

昊蒼眷命興王統天業高帝始道邈皇先禮成化穆樂
合風宣賓朝荒夏對揚穹玄

皇夏 皇帝出閣

夏正肇旦周物充庭具僚在位俛伏無聲大君穆穆宸

儀動睟日煦天迴萬靈胥萃

皇夏 皇帝當辰 群臣奏

天子南面乾覆離明三千咸列萬國填并猶從禹會如

次湯庭奉茲一德上下和平

皇夏 皇帝入宁變服黃 鍾太簇二廟奏

我應天曆四海為家協同內外混一戎華鶴蓋龍馬風

乘雲車夏章夷服其會如麻九賓有儀八音有節肅肅

於位飲和在列四序氤氳三光昭晰君哉大矣軒唐比

輶

皇夏 帝出升御座 姑洗廟奏

皇運應籙廓定區寓受終以文構業以武堯昔命舜舜

亦命禹大人馭歷重規沓矩欽明在上昭納八夤從靈

體極誕聖窮神化生群品陶育烝人展禮肆樂協此元

春

肆夏 王公 奠璧

萬方咸暨三揖以申垂旒馮玉五瑞交陳拜稽有章升

降有節聖皇負宸虞唐比烈

上壽曲 上壽黃 鍾廟奏

仰三光奏萬壽人皇御六氣天地同長久

登歌三曲

皇太子入至坐位
酒至御殿上奏

大齊統曆道化光明馬圖呈寶龜錄告靈百蠻非衆八
荒非逃同作堯人俱包禹迹

天覆地載成以四時惟皇是則比大於茲羣星拱極衆
川赴海萬寓駿奔一朝咸在

齊之以禮相趨帝庭應規蹈矩玉色金聲動之以樂和
風四布龍申鳳舞鸞歌麟步

食舉樂十曲

食至御
前奏

三端正啓萬方觀禮具物充庭二儀合體百華照曉千
門洞晨或華或裔奉贄惟新悠悠亘六合圓首莫不臣
仰施如雨晞和猶春風化表笙鏞歌謳被琴瑟誰言文
軌異今朝混爲一

彤庭爛景丹陛流光懷黃縮白鷓鷩成行文贊百揆武
鎮四方折衝鼓雷電獻替協陰陽大矣哉道邁上皇陋
五帝狹三皇窮禮物該樂章序冠帶垂衣裳

天壤和國家穆悠悠萬類咸孕育契冥化作大造靈效
玆神歸寶興雲氣飛龍蒼麟一角鳳五光朱雀降黃玉

表九尾馴三足擾化之定至矣哉瑞感德四方來
囹圄空水火菽粟求賢振滯棄珠玉衣不靡宮以卑當
陽端嘿垂拱無爲云云萬有其樂不訾

嗟此舉時逢至道肖形成自持賦命無傷天行氣進皇
輿遊龍服帝阜聖主寧區宇乾坤永相保

牧野征鳴條戰大齊家萬國拱揖應終禪奧主廓清都
大君臨赤縣高居深視當宸正殿旦暮之期今一見
兩儀分牧以君陶有象化無垠大齊德邈誰群超鳳火
冠龍雲露以潔風以薰榮光至氣氤氳

神化遠入靈協寒暑調風雨燮披泥檢受圖謀圖謀啓
期運昌分四序綴三光延寶祚眇無疆

惟皇道升平日河水清海不溢雲干呂風入律驅黔首
入仁壽與天高並地厚

刑以厝頌聲揚皇情邈眷汾襄岱山高配林壯亭亭聳
云云望旆蕨緹駕駸駸刊金闕奠玉龜

皇夏

皇帝入
鍾鼓奏

禮終三爵樂奏九成允也天子穹壤和平載色載笑反
寢晏息一人有祉百神奉職

舞曲歌辭

文武舞歌四首

隋書樂志曰北齊元會大饗奏文武二舞二舞將作並先設階步馬

文舞階步辭

我后降德肇峻皇基搖鈴大號振鐸命期雲行雨洽天
臨地持茫茫區宇萬代一時文來武肅成定於茲象容
則舞歌德言詩鏘鏘金石列列匏絲鳳儀龍至樂我雍

熙

文舞辭

皇天有命歸我大齊受茲華玉爰錫玄珪奄家環海實
子蒸黎圖開寶匣檢封芝泥無思不順自東徂西教南
暨朔罔敢或攜比日之明如天之大神化之洽率土無
外眇眇舟車華戎畢會祠我春秋服我冠帶儀協震象
樂均天籟蹈武在庭其容藹藹

武舞階步辭

大齊統曆天鑒孔昭金人降汎火鳳來巢眇均虞德干

戚降苗風

隋書作風

沙攻主歸我軒朝禮符揖讓樂契咸韶

蹈揚惟序律度時調

武舞辭

天眷橫流宅心玄聖祖功宗德重光襲映我皇恭已誕
膺靈命宇外斯燭域中咸鏡悠悠率土時惟保定微微
動植莫違其性仁豐庶物施洽群生海寧洛變契此休
明雅宣茂烈頌紀英聲鏗鎗鍾鼓掩抑簫笙歌之不足
舞以禮成鑠矣王度緬邁千齡

已上樂章詩彙云祖挺作按隋書樂志祖挺上書論
樂於文宣之時至武時始定四郊宗廟三朝之樂
而不著作歌之人則非挺作明矣今考北史陸卬等

東製夫不計音言律管黍蕤林四
雜歌謠辭
無名氏高尚敏示

勅勒歌

樂府廣題曰北齊神武攻周王璧士卒死者
十四五神武恙憤疾發周王下令曰高歡鼠
子親犯王璧劔弩一發元兇自斃神武聞之
勉坐以安士衆悉引諸貴使斛律金唱勅勒
神武自和之○其歌本鮮卑語
易為齊言故其句長短不齊

勅勒川陰山下天似穹廬籠蓋四野天蒼蒼野茫茫風
吹草低見牛羊

鄭公歌

北史曰鄭述祖天保中為兗州刺史有人入市盜布其父執之以歸述祖述祖特原之自是境內無盜先是述祖之父道昭亦嘗為兗州刺史故百姓歌之

大鄭公小鄭公相去五十載風教尚猶同

邯鄲郭公歌

樂府廣題曰北齊後主高緯雅好傀儡謂之郭公時人戲為郭公歌及將敗果邯鄲高郭聲相近九十九未數也滕口鄧林也大兒謂周帝太祖子也高罔後主姓也雉雞類武成小字也後敗於鄧林盡如歌言蓋語妖也

邯鄲郭公九十九技兩漸盡入滕口大兒緣高崗雉子

東南走不信吾言時當看歲在酉

東昏時百姓歌

金陵志曰齊東昏侯即臺城閱武堂為芳樂苑山石皆塗以彩色跨池水立紫閣諸樓觀又於苑中立店肆以潘妃為市令又作土山開渠立埭下苑中時百姓歌云

閱武堂種楊柳至尊屠肉潘妃沾酒

東魏鄴都謠

隋書五行志曰魏孝靜帝始移都于鄴時有童謠按孝靜帝清河王之子也后則齊神武之女鄴都宮室未備即逢禪代作窠未成之効也孝靜尋崩文宣以后為太原長公主降於楊愔時神武婁后尚在故言寄書於婦母新婦子斤后也

可憐青雀子飛入鄴城裏作窠猶未成舉頭失鄉里寄

子見此詩
多悲與此意

言與婦母好看新婦子

東魏武定中童謠

隋書五行志曰武定中有童謠按高者齊姓也澄文襄名五年神武崩摧折之應七年文襄為盜所害澄滅之徵也

百尺高竿摧折水底然燈澄滅

東魏末童謠

北史齊本記曰後魏末文宣未受禪時有童謠按藁然兩頭於文為高河邊殺麤為水邊羊指帝名也於是徐之才勸帝受禪

一束藁兩頭然河邊殺麤飛上天

北齊文宣時謠

北史本紀曰文宣時謠按帝以午年生故曰馬子三臺石季龍舊居故曰石室三千六百日十年也文宣在位十年果如謠言

馬子入石室三千六百日

北齊廢帝時童謠三首

北史曰楊愔齊文宣時尚太原公主位至尚書令驃騎大將軍文宣大漸愔與侍中燕子獻黃門侍郎鄭子默並受遺詔輔政時常山長廣二王位地親逼愔等與可朱渾天和謀欲裁奪威權由是深相踈忌並為二王所害先是童謠曰一一羊為愔也角文為用刀道人謂廢帝小名太原公主嘗作尼故曰阿廢姑愔子獻天和皆尚帝姑故曰道入姑夫云

白羊頭翹禿殺羶頭生角

羊羊喫野草不喫野草遠我道不遠打爾腦

阿廢姑禍也道人姑夫死也

白鳧謠

北史曰初孝昭之誅楊愔也謂武成云事成以汝為皇太帝及踐位乃使武成在鄴主兵立子百年為皇太子武成不平欲有異謀先是童謠曰——時丞相府在城城中即舊中興寺也鳧翁謂雄雞蓋指武成小字步落稽也道人濟南王小名也打鍾言將被擊也後武成用卜者言不舉兵孝昭尋崩武帝即位

中興寺內白鳧翁四方側聽聲雍雍道人聞之夜打鍾

北齊太上時童謠

千金買藥園中有芙蓉樹破家不分明蓮子隨它去

北齊後主武平初童謠

隋書五行志曰武平元年童謠按其年四月隴東王胡長仁謀遣刺客殺和士開事露反為士開所譖而死

狐截尾你欲除我我除你

武平中童謠

隋書五行志曰武平二年童謠小兒唱訖一特拍手云殺却至七月二十五日御史中丞卿瑯王儼執事開送於南臺而斬之

和士開七月三十日將你向南臺

又

隋書五行志曰是歲又有童謠七月士開被誅九月瑯琊王遇害十一月趙彥深出為西

州刺

七月刈禾傷早九月喫饒正好十月洗蕩飯瓮十一月

出却趙老

後主時謠二首

北齊後主時任用祖珽陸令萱等朝政日壞周人欲圖之然畏斛律光之武勇因為謠言聞於齊會光欲去珽等遂以謠言奏帝併續第二首末二句于是誅光周遂滅齊今按百

升者斛也明月光字也高山謂齊齊姓高也育老公謂珽珽先因罪失明也饒舌老母謂令萱令萱本婦人也

百升飛上天明月照長安

高山不摧自崩榦木不扶自舉育老公背受大斧饒舌

老母不得語北史亦載此謠云高山崩榦樹舉育老公背上下大斧多事老母不得語

武平末童謠

隋書五行志曰武平末有童謠時穆后母子淫辟干預朝政時人患之穆后小字黃花尋逢齊亡歎落之應也

黃花勢歆落清尊但滿酌

北齊末鄴中童謠

隋書五行志曰北齊末鄴中有童謠未幾齊為周所滅周都關中故云西家也

金作掃帚玉作把淨掃殿屋迎西家

蘇宋歌

北史曰宋世執齊天保中為大理少卿執獄寬平多所全濟大理正蘇珍之以平幹知名時人以為二絕寺中語曰

決定嫌疑蘇珍之視表見裏宋世軌

裴讓之歌

北史曰河中裴讓之遷主客郎省中語曰

能賦詩裴讓之

陽休之好學愛文藻時人為之語曰能賦詩陽休之

陸乂歌

北齊陸乂於五經最精熟館中謂之石經人語曰

五經無對有陸乂

五豎無慙亦切文

論中隔之
人語曰

劉文相

詩紀卷之一百一十一



